

Ostereidet Bygdelag  
v/Sveinung Toft Stranda 435  
5993 OSTEREIDET

Referanser:

Dykkar:

Vår: 21/8285 - 21/84899

Saksbehandlar:

Mari Emilie Pettersen Hagenlund  
mari.emilie.pettersen.hagenlund@alver.  
kommune.no

Dato:

15.12.2021

## Svar på søknad om forlenging av løyve til transport med helikopter til Stegafossen

**Administrativt vedtak: Saknr: 1345/21**

### VEDTAK:

Med heimel i Lov om motorferdsel i utmark og vassdrag §6 gjev Alver kommune med dette Ostereidet bygdelag løyve til landing og start med helikopter frå/til Stegafossen frå Andåsbruket (gbnr. 6/1 ) i samband med transport av naudsynt bru.

Løyve er gjeve på følgjande vilkår:

- Løyvet skal bringast med under oppdraget og kunne visast fram ved kontroll.
- Det skal førast logg for løfta. Loggen skal innehalde dato for flyging, tal turar og tid på døgnet.
- Landing/ start skal gjennomførast i tidsrommet 1 . februar 2022 –15. mai 2022 .
- Det skal takast særskild omsyn til naturverdiar, beitedyr, friluftsliv og liknande ved flyging og landing.

Grunngjeving for løyve går fram av saksutgreiing og vurdering.

### Saka gjeld:

Ola R. Jordal søkte i brev dagsett 20.09.2021 , på vegne av Ostereidet bygdelag, om løyve til helikoptertransport. Det er søkt om helikoptertransport av ein bru frå innmarksareal på Andåsbruket gbnr. 6/1 ved Austfjorden og opp til Stegafossen, like ovanfor E39 ved

Eikefettunnelen. Brua skal etablerast for å gjere kryssinga over elva tryggare spesielt ved høg vassføring. Brua vil inngå som eit viktig sikkerheitselement i stien til og frå fjelltopp Austlendingen. Brua har eit spenn på 7 meter og vekt rundt 1 tonn.

Brua var planlagt fullført innan 1. desember, men på grunn av uforutsette tilhøve vart ikkje brua ferdig bygd no i haust, og på grunn av snøtilhøve og korte dagar for flyging søker bygdelaget om ny periode for løyve til transport med helikopter til tidsrommet mellom 1.februar til 15. mai 2022.

## **VURDERING:**

Motorferdsel i utmark er regulert av lov om motorferdsel i utmark og vassdrag. Lova har som føremål å regulere motorferdsel ut frå ei samfunnsmessig heilheit med sikte på verne om naturmiljøet og fremje trivselen, jf. § 1. Etter lovas § 2 er helikopter omfatta av lova. § 2 i lova gjeld kva som kan definerast som utmark, ein skal nytta same definisjon som i friluftslova § 1 første ledd. Med utmark er meint udyrka mark som ikkje vert rekna som innmark. Arealet i denne saka er utmarksareal. Etter § 3 er motorferdsel i utmark og vassdrag ikkje tillate med mindre anna føl av lova eller vedtak med heimel i lova.

Ei landing med helikopter blir ikkje omfatta §§ 4 og 4a som definerer lovleg motorferdsel i utmark, og er difor søknadspliktig. Landing er og henting og bringing av passasjerar og gods, sjølv om landing i eigentleg forstand ikkje skjer. Det opnar for løyver etter søknad i lovas § 6. Paragrafen opnar for at når særlege grunnar føreligg kan kommunen gi løyve til bruk av motorfartøy eller luftfartøy som ellers ikkje kan finna stad med heimel i lov eller forskrift. Høve til å gi dispensasjon må praktiserast i lys av lova sitt føremål om å redusere motorferdsla til eit minimum.

Administrasjonen meiner at det i denne saka vil vere snakk om ein særleg grunn som opnar for bruk av lovas § 6.

Administrasjonen viser til Rundskriv T-1/96 Om lov om motorferdsel i utmark og vassdrag av 10. juni 1977 nr. 82, kapittel 8.5 tillatelse til bruk av motorfartøy og luftfartøy. Der står det: «Ved vurdering av om "særlege grunner" foreligger, vil det være av betydning om motorferdselen er nødvendig og har et nytteformål.»

Dersom krav til særlege grunnar er oppfylt, må det gjerast ei samla vurdering av saka mot lova sitt føremål, jf. rundskriv T-1/96. Administrasjonen meiner det ligg føre særlege grunnar i saka fordi det er eit nyttig føremål og er naudsynt. Terrenget er utfordrande og transport av ein tonnstung bru er umogleg utan helikoptertransport. Sti nettet til Austlendingen er eit populært turområde og ein viktig bidragsytar til god folkehelse og trivand. Det er store sikkerheits- og samfunnsinteresser i at brua vert montert.

Søknaden skal vurderast etter Naturmangfaldslova NML §§ 8-12 jf. § 7 i naturmangfaldlova. Kommunen har gjort søk i Artsdatabanken og naturbase, og det er ikkje registrert artar eller naturtypar som kan ta skade av tiltaket. Kommunen meiner at kunnskapsgrunnlaget er tilstrekkeleg og at tiltaket ikkje kjem i konflikt med dei omsyna som naturmangfaldslova §§ 8-12 skal ta vare på.

Administrasjonen kan ikkje sjå at transporten kjem i konflikt med naturverdiar i området. Sjølv gjennomføringa vil medføre noko støy, men administrasjonen viser til at det vil vere i ein svært avgrensa periode og difor ikkje medføra unødig uroing.

Alver kommune oppfordrar til at naboar vert varsla og avklart transporten med dei som eventuelt har beitedyr i området.

Dette løyve gjeldt dispensasjon frå motorferdselslova. I tillegg må søkjar ha løyve frå grunneigar.

### **Regelverk**

LOV 1977-06-10-82 Lov om motorferdsel i utmark og vassdrag.

LOV 2009-06-19-100 Lov om forvaltning av naturens mangfald.

### **Mynde**

Saka er handsama og avgjort administrativt i medhald av delebert mynde, jf. kommunelova § 23 nr. 4 og gjeldande delegeringsreglement.

### **Klage**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: «ArkivSakID»

Med vennleg helsing  
Alver kommune, Landbruk

Mari Emilie Pettersen Hagenlund  
Sakshandsamar

*Dette dokumentet er elektronisk godkjent og har difor ingen signatur.*

### **Mottakarar:**

Ostereidet Bygdelag

v/Sveinung Toft Stranda 435 5993 OSTEREIDET